

Communicaziun a las medias BCG

Empustar online daner contant e laschar furnir a chasa In nov center da clientella da la BCG cun funcziuns praticas è online

Cuira, ils 6 da december 2016 – A las clientas ed als clients da la Banca Chantunala Grischuna stat a disposiziun en l'internet in nov center da clientella. Las funcziuns actualas cumpiglian: empustar daner contant, fixar termins, transmetter a moda segira documents a la banca e retschaiver ina survista da las cudeschaziuns da la carta da credit.

Las clientas ed ils clients da la Banca Chantunala Grischuna (BCG) han pudì profitar quest onn già da differents svilups digital. Il nov center da clientella s'integrescha perfetgamain en questa retscha.

Empustar daner contant online, fixar in termin da cussegliaziun e dapli

En il nov center da clientella èsi pussaivel d'empustar online daner contant en francs svizzers ed en valutas estras. Fin ad ina summa da 1'000 francs pon las clientas ed ils clients giavischar, sch'els vulan laschar furnir ils daners a chasa u en in'agenzia numnada dad els. Summas pli autas van directamain a l'agenzia giavischada, nua ch'ils clients pon vegnir sperasvi per lur daners. La furniziun succeda cun posta A e custa mintgamai tschintg francs. En pli pussibilitescha il center da clientella da preschent da fixar termins da cussegliaziun, da transmetter documents a la banca, da retschaiver ina survista da las cudeschaziuns da la carta da credit sco era d'actualisar las atgnas datas dal profil. Ulteriuras funcziuns vegnan agiuntadas cuntinuadamain. Per s'annunziar pon ins duvrar las medemas datas d'access sco per l'e-banking. Dapli infurmaziuns sin gkb.ch/kundencenter.

La BCG renda accessibla la digitalisaziun – l'utilitad per la clientella resta centrala

Er en vista als svilups tecnologics progressivs stat la cussegliaziun persunala vinavant en il center da la BCG. La banca porscha servetschs digital là, nua che la clientella na dovra nagina cussegliaziun. Novas applicaziuns ston esser en emprima lingua simplas e segiras e porscher ina plivalur als utilisaders. Ultra dal nov center da clientella cumpiglian quai las suandantas soluziuns:

- [mobile banking cun app per smartphone e tablet](#)
- [e-banking](#)
- [assistent da finanzas digital](#)
- [cussegliaziun d'investiziun cun agid da software](#)
- [TWINT – la bursa digitala](#)
- [pajar a moda mobila cun Apple Pay](#)

Ulteriuras infurmaziuns sin gkb.ch/digital.

Contact per las medias:

Banca Chantunala Grischuna, Medias & Investor Relations, chascha postala, 7001 Cuir

Thomas Müller, thom.mueller@gkb.ch, telefon +41 81 256 83 11

Plutarch Chiotopulos, plutarch.chiotopulos@gkb.ch, telefon +41 81 256 83 13

La Banca Chantunala Grischuna sin:

gkb.ch/medien | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i dovra per ina banca universala moderna – per persunas privatas, l'economia ed il maun public. La banca occupa 1'018 collavuraturas e collavuratur (stadi dals 30-06-2016). En il chantun Grischun cun sias numerusas vals e pliras linguas, è l'interpresa represchentada cun 61 agenturas, la sedia principala sa chatta a Cuir. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il rendaquint semestril preschenta ella cun ina summa da bilantscha da CHF 23,654 milliardas in gudogn dal concern da CHF 90,4 milliuns. Il scrit da participaziun BCG è quots a la bursa dapi ils 10 da settember 1985.

Termins

Quint annual 2016: 10 da favrer 2017

Radunanza dals participants: 8 d'avrigl 2017
